

docriver 文川网
入駐商家 古籍书城
在文川网搜索古籍书城 获取更多电子书

中國方志叢書·華中地方·第四〇九號

據

清·劉誥等修，徐錫麟等纂
清光緒十一年刊本

影印

江蘇省

重修丹陽縣志

(一)

成文出版社有限公司印行



10097929

中國方志叢書·華中地方·第四〇九號

據

清·劉誥等修，徐錫麟等纂
清光緒十一年刊本

影印

江蘇省

重修丹陽縣志

(二)



成文出版社有限公司印行



10097930

中國方志叢書·華中地方·第四〇九號

據

清·劉誥等修·徐錫麟等纂
光緒十一年刊本

影印

江蘇省

重修丹陽縣志

白

成文出版社有限公司印行



10097931

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第四〇九號

據

清·劉誥等修·徐錫麟等纂
清光緒十一年刊本

影印

江蘇省

重修丹陽縣志

(四)

成文出版社有限公司印行



10097932

中國方志叢書·華中地方·第四〇九號

據

清·劉誥等修，徐錫麟等纂
清光緒十一年刊本

影印

江蘇省

重修丹陽縣志

(五)



成文出版社有限公司印行



10097933

中華民國七十二年三月臺一版

重修丹陽縣志

共五冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

光緒乙酉仲夏重修

丹陽縣志

板藏鳴鳳書院

重修丹陽縣志序

至丹陽之八月縣志適成例得弁言於其上可謂幸矣雖然竊有歎焉夫一邑之大古今之變因革之宜土俗之麗澆民生之勤窳胥於志乎欲之前之人既述所見聞載諸圖籍俾官斯土者得披而悉之參酌而施之所以著成法而利化裁者意至良體至備矣顧傳之既久纂續或不以時初不免以缺略為憾經一二修廢舉墜者為之提倡廣續雖兵燹之後文獻無徵之餘卒能聿觀厥成規模粗具則承乏其後而賴以識顛末詳劇易藉師於前事而權當務之所宜先豈非初膺是邑者

所大快哉惟是斯志之成上距乾隆庚午至今百三十餘載矣當赭寇未平城陷於賊者五稔歲甲子得以收復又十三年丙子前令劉君誥始創議重修迨屬稿雖完而經費無出去歲陳君炳泰攝篆於茲乃以城工餘款錢六十萬復捐錢四十萬爲刊刻經始不足者責之後來議以三月成書又因劉君定稿以來將十年所凡應增應續者皆須再事編輯遂專以屬之附監生林君福源且舉前稿由其討論修飾焉焯之至官則開雕固已久矣自維譎陋初蒞是邦不敢不以咨故訓訪遺文爲亟亟而志乘所載今日之考鏡將來之矩矱實資焉

計疆域之廣袤覽河湖之支委形要所係障決所宜吾
得其大勢而經界何以正水利何以修竊慮援据之或
未詳也問丁漕之贏縮較物產之盈虛民命所關土宜
所萃吾得其大凡而賦役何以平食貨何以正竊慮條
貫之或未密也考營建而城郭壇壝杠梁里聚之迹可
求孰經紀是而鞏固是竊慮原委之或未晰也觀人物
而孝友忠義節廉貞隱之行可述孰闡揚是而興起是
竊慮採錄之或未周也列前人之政蹟吾取爲法鑒之
資臚當代之典章吾視爲率循之準而是非何以不謬
損益何以協中竊慮衰貶之易誣而利弊之未切也自

餘分門別類靡焉弗賅而體例必如何而始嚴去取必如何而始當文藻必如何而始不濫不支焯以職所當知卽心所難恕誠不自揣時亦以管見所及商榷而訂正之而於剗剛旣就諸編則仍有未便更張者且大府方嚴檄督催而用款未充籌備亦不易因陋就簡之失誠知弗免於私心尤戚戚焉以云信今傳後希風古人誠非區區所敢必也然竊聞之

國家功令凡州縣志書六十年必一編纂自今以往太平康樂累洽重熙例定之章無不及時修舉丹陽人文輩出異時豈無康對山呂涇野其人乎則斯志之成他日

方當視爲大輅之椎輪且幸其於百三十餘載之時先
後搜輯而散者佚者湮沒而弗彰者皆可據依而不盡
淪廢是劉陳諸君經營十稔之功關係固重而焯至官
八月得以觀成而遂附名於後其又可幸也夫其亦可
無歉也夫

光緒十一年歲次乙酉六月知丹陽縣事中江凌焯謹
序

皇朝大國圖志

卷一百一十五

三

重修丹陽縣志序

邑之有志所以詳方域之沿革紀賦役之贏縮校
人材之消長著風俗之盛衰其體例與史微不同
而其資於治則同將使膺民社者物土宜備旱澇
通工商以施其富民之策隆學校烝俊髦裒節義
以展其教民之謨胥於是攬綱領焉則志之關乎
一邑與史之關乎天下無以異蓋志之重也如此
史以備天下之事志以備一方之事天下者一方
之積也邑志者補史所不及詳附庸通志而卽羽
翼國史者也獨是鄉里之間是非得失耳聞目見

日習爲常罕有人焉網羅編次哀集成書以備修志之採錄者倉猝訪求非漏則濫蓋修志之難也如此且一邑之志或閱三四十載而一修或閱五六十載而一修典籍俱存者舊猶在博考旁稽集事尙易曠廢至百有二三十載之久而其間復更兵燹紀載散亡人物寥落當此而議增修其事愈重其勢愈難而其時愈不容緩蓋今日之志宜急於修也又如此丹陽古延陵曲阿地據水陸之衝控南北之要商周之間秦伯季子迭興仁讓百世之下餘韻流風猶有存者自吳楚漢晉以迄李唐

疆界分合風會變遷史冊具在其略可聞宋室南
渡陽屬鎮郡爲瀕江重地干戈猶患日尋至元明
以來民生罕見兵革其君子崇文學而敦氣節其
小人務稼穡而尙儉勤鴻學茂俗輝映簡編

國朝

列聖相承重熙累洽

翠華南巡厚澤深仁旁皇周浹人文蔚起民物滋豐商旅
所趨漕船所輳以至乎嘉道之際可謂盛矣惜其
時無有起而任續修之責者遂使盛美闕略或多
未詳迨咸豐以還粵匪煽禍毒痛東南陽當要衝

docsriver 文川网
入驻商家 古籍书城

在文川网搜索古籍书城 获取更多电子书

羽書旁午醜類驛騷庚申城陷爲賊踞者五年甲子克復閭里蕭條民居鮮少公私冊籍焚蕩靡遺官斯土者未久代去十年生聚十年教訓姑未遑暇又奚議及修志乎自時厥後民困稍蘇蓋嘗有議修者稽文諮獻因難輒止歲丙子詒承乏茲邑下車伊始延訪耆宿創議重修適逢當道檄催並委楊綬臣太守督理爰於十一月朔設局延董坤採增輯越歲夏五採輯略備增於舊者十之三殉難則別爲一門錄草本屬序於余余惟志猶史也今觀是志疆域河湖猶史之有地理物產田賦猶

史之有食貨忠節儒林猶史之有例傳餘所分列
各門要皆略倣史例而變通之而其大要則在詳
著利病備究細微以待賢長令之有志富教者斟酌
損益法乎古以準乎今宜乎民而適乎俗蘄復
乎曩昔之盛焉耳然則修志固今之所重而厯歲
曠遠浩劫凋殘愈重而愈難亦愈難而愈急矣語
不敏供職日淺加富加教無能爲役又受代有期
逝將他適而猶汲汲焉樂與邑人士觀成者亦期
志書粗了庶乎後之君子有所考鏡以適於治也
若夫剗剗成編則尙俟諸異日云

光緒三年歲次丁丑知丹陽縣事滑臺劉誥謹序

重修丹陽縣志序

丹陽在江南一凋敝之區也而地當南北夷庚髮逆之蹂躪又視他邑爲特甚余下車以來竊以兵燹餘生元氣未復欲民樂業莫若以不取爲予以不擾爲安故凡事之資乎捐輸者輒不願以刻期成之邑舊有志失修者百餘年矣前署任劉君樸卿奉 上憲通飭開局續修三月而畢共得稿若干卷前署任帥君靜陸復於公餘之暇重加校讐均以籌款維艱欲付手民而未果余視事之三年以各州縣志告成者過半頻奉 札催於是邀集局董分勸殷實商民醵金繡梓並捐廉以倡之

詎志捐未集而賑災胥捐賑捐甫畢而築城又胥捐余
懼十數月之間重累吾民民不堪命也復邀諸董議議
以事有緩急宜先城而後志乃工未及興而余以不職
去矣先是余以志期垂遠未可輕易取新稿繙閱數過
管見所及頗亦有所損益及將行局董諸君子惓惓以
序爲言余愧不達時宜未能併力兼營俾一邑文獻所
存觀厥成於旦夕而諸君子之雅意不可違也於是乎
書

光緒九年重陽後三日知丹陽縣事山左張庭蘭撰

重修丹陽邑志序

邑之有志猶國之有史也周制命太史陳詩以觀
民風所以考政治之得失也後世綜前賢遺蹟載
之邑乘所以發潛德之幽光也況泰伯端委而治
季子揖讓成風自漢唐迄於今其間忠臣義士孝
子節婦可歌可泣可法可則者均足以激發其志
氣增長其識力以成一代之偉人斯闡幽之編亦
希賢之軌也余自丙子夏季館於大令 劉樸翁
寓所旋郵寄鳴鳳書院課卷數百本囑閱展讀一
過知丹邑爲人材藪蓋心嚮往之小陽月抵丹觀

其俗民尙勤儉驗其學士敦經術此固

朝廷德化之所漸被歷任大令教澤之所涵濡而實賴
鄉先輩樹之儀型也有志修明者其忍聽其磨滅
不彰倆矩矱以自歧其趨嚮耶或者謂載籍極博
奚有一志前賢之散處遐方足以供私淑者亦甚
眾奚止一邑株守一編毋乃隘甚非隘也其志疆
域卽封建之典可溯也其志學校卽庠序之教益
謹也其志水利賦貢卽井田之意猶存也於天志
祥異可作月令書觀於地志風土可作豳風圖觀
於人志忠節孝義可作廿二史觀志書籍藝文可

作文獻通考觀噫天地之大闢於彈丸古今之富
藏於尺牘士之能自樹立者覽其大略亦足以開
拓心胸恢宏志氣況閭修數十年總括乎經子史
之全者耶然則茲志一成備輜軒之採補國史之
闕而凡在膠庠之士亦得以紹述前徵覩前人之
器識以自勵取前人之文藝以自勉將見品學兼
優人才蔚起帖括增經濟之光文章自堪華國閭
閻釀和祥之氣孝友亦足傳家是則丹邑之縉紳
耆老所望於後學抑亦望下風所景仰而欣羨者
也時

光緒三年丁丑相月上澣古皮張樹森謹序

舊序

丹陽古曲阿也爲京口郡之屬邑當水陸之衝據四達之會山川旁圍物產鮮少俗被泰伯季子之遺風多崇謙讓而薄爭競尙節儉而尠紛華昔人有云本泰伯衣冠之化良有以也舊有縣志屢經修輯或失之略或過於繁有司未暇更定而梓行焉邇者永康朱良矩以名進士作宰吾邑首以教化風俗爲意奈因庶務繁劇未暇及於邑志間詢於境內得邑人朱密舊所編志鳩工摹刻繼而病其附載文繁卒難畢工矧數蒙催取恐致遲誤故予忘其疲老取其未刻者刪其繁蕪補其缺略

續而刊之以序見屬予惟縣之有志猶國之有史也史以記善惡是非之實政治得失之由志以載山川險易之詳風土美惡之異理不可缺按周禮職方氏掌收天下圖籍以之辨方域制土貢後世郡邑之志蓋本乎此固王政之所不廢昔漢破秦諸將多入庫藏競取金寶蕭何獨詣相府收取圖籍以故高祖得知天下之阨塞戶口之多少可謂知所先務矣予嘗患吾邑之志未及板行每惜前後從政者視爲末務漫不加省遂至廢格因思子朱子昔守南康下車之初輒以郡志爲問古今事殊奚翅霄壤今幸斯志之有成將傳諸永久庶幾後

來爲政者得有所徵考且以仰副賢邑宰之盛舉是誠
可嘉故不辭而勉爲之序云

正德十四年歲次己卯季冬邑人湯禮敬謹序

docsriver 文川网
入驻商家 古籍书城

在文川网搜索古籍书城 获取更多电子书

三才圖會卷之六十一
雜考
一

--	--	--	--	--	--	--	--

舊序

率天下之大者志一統試邑里者必隨邑之所有而志之邑非天下比奚爲急於志也百里之內川谷異制民生異俗因地爲政當順其習而利導之則邑之志不容已也潤丹陽有志舊矣經始宋蔡逢歷國初張剛王庸迨正德己卯永康朱氏爲令始克成編自予戊辰署邑其去朱永康成志之日僅五十一年田賦政令已代異而歲不同矣今弗取志新之愈遠愈淆嗣爲令尹者何以識張弛之宜而善丹陽之政於無窮乎則邑之新志不容已也乃於簿書之暇闢館潔楮敦延鄉達吳川令